禮

經

校

釋

禮經校釋卷十 喪服第十 單疏作本 本改作禮 有天子諸侯卿大夫士之喪服 本數未聞 故鄭注云白布冠為喪冠又案 言於父母加隆其使 下八字衍 // 體經校釋卷二 校曰本毛作大阮云要義作本案 吳縣曹元弼學 校曰使字 調單疏作恩 校日 校曰白布以 服 殿

引三 問虞書堯典郊特性喪服記證成其說胡氏云 是三王用唐虞白布冠白布衣為喪服矣 畢則三年之喪自虞已然案自虞已然正賈所 之久也喪三年之期始自唐虞特爾時尚行 **虞書三載四海遏密八音孟子堯崩三年之** 曰疏謂唐虞心喪三年夏禹始制喪服引三 至夏始特制喪服故堯典但云如喪考妣 先者陸氏釋文案五帝官天下三王禹始 年問云未有知其所由來注云喻前世行 服也孝經先王有至德要道注禹

鄭氏 也唐虞雖吉凶同服然天子至士吉服有! **安此哀戚之情也蓋喪者心也服所以表** 始則喪 於 也 爾雅曰崩薨 **其喪字去聲讀之人或以平聲讀之** 非孝真禽獸之爲矣 一章以下之飾喪則當專用白布冠白布 解輯謂陸說蓋本鄭義弼案禹爲教孝之 於殷配天故爲教孝之 (服制自禹則墨翟短喪謬託夏禮者 服宜制自禹也孝經喪親章云服美 / 體超校棒卷士 校日日字似衍 始嚴氏可均 孝經 與 服

喪亡也从哭从亡會意哭亡則是人喪亡者 喪亡者則其人亡之意見兩意本 義俱作二案單疏作二 增成其義 斬衰三升三升半 所以苴其內 爲夫之昆弟之長子殤 斬有二義不同 同義亦通也 **亦聲則本讀平** 校日苴 釋日古祇 校日二毛作正阮云陳閩要 釋 曰閒傳不言三升半疏 校曰阮云長子陳 殿本改作首 聲不必區別說文 意喪字亡

叉 本有亦字案單疏實無 謂之作故孝經有子曰 相傳 麻亦有降有正有義 解 明作傳之義 功亦有降亦有正有義 曰者^至蓋不虚也 云要義有亦字案單疏有亦字 倒米 則作傳者 魔經校科卷士 倒者 為子夏自周以來舊說也 校曰義單疏作意 述增續但可謂之述不 曾于日而鄭君六萬 釋 白疏云 校日阮云降下單疏 人皆云云 師

序子夏毛公合作而統言則曰子夏序公羊 夏毛公合作而絲衣序高子曰靈星之戸也 其本說而以意補之未能盡善如詩小序是 經記經是周公所制釋經者實子夏原文記 羊高所作此傳云子夏作蓋同斯例傳文兼釋 語鄭志以爲後人著之非毛公本說而箋亦 經處有一二未安為鄭注所駁者或數傳後 七十子後學者所爲釋記者皆後師增續其釋 數傳始著竹帛傳內有子公羊子曰而賈云公 爲 孔子作史記弟子列傳以爲曾子作詩

喪服 合作也 条鄭詩譜意大序是子夏作小序是子夏毛公 全出作記之後非子夏所為致啟歆莽增竄 夏作而巳淺妄之徒因傳有釋記處遂謂此 而爲之且不過十之一 詩序亦不題子夏序故陸氏詩釋文引沈重 誣殊可歎也此傳旣為子夏作不題子夏傳者 言及之 緇布冠之缺項 也然或續或補亦皆推演子夏之 一故師 経與冠 師相傳惟云 四 武別

有喪 服放 端 也 來 吴氏 冠之 則首經自宜象缺項況冠制如玄冠衰 古矣安見古之 絞 服 帶象革帶豈首經 冠上猶 屬 缺項而爲之且安見絰之制在制喪 時 服 于絰其制異不知注 但 而爲之 非謂其用盡同 加此経 缺項與冠 制此経以表哀戚者不即取 経在首 以表哀戚然緇布 武別材而置於冠下也 獨無所象耶妄 在 冠之纓屬于缺此冠之 也 要 所謂象者特謂 如吳說 並重要経 冠 、缺項 制 既象 謂 服 如玄 古未 前 象

絞 絰 類者 升 経 **家革帶** 服非正 別今 冠 缺 項 類弁兒 取 象不知 **乔可用** 要紅 喪服 及 裁 於弁士 又謂 **弁用経者因** 佩之等 儀 服用 升 卷 也 亦有 冠 冠 漢韻考云毛 禮時 丕 絰 注 Ħ. 升也 缺 絰 所 獨 詩 The state of 而 詩

注 則弁 頍 叉公云革帶是正帶以東衣者 弁明矣 特謂形 経有冠而非以固冠三者用各 又有卷幘亦象類然卷幘無冠 帶大帶 **経象大帶又有絞帶象革帶** 固 二家詩釋類為 有類不獨冠將類亦非為冠制乎且冠 冠 申東衣革帶以 制相依放耳不可泥 而 如因其通用於弁而遂曰非從冠取 可 通 用 簂 升則 佩 類者 絰 王 一佩及事 以象類 類有冠且 不同則所謂 釋 曰疏云吉 亦 佩之等 J/M 可 而 通 頍 象 旜 備 用

堅 故謂革帶 也 也 也 自 云申身也 月令記 之 然 申 紳 耳 然左 其餘 約 買氏所謂 月陰气 束 則 之 是 申 正 卽 /禮經校釋卷主 物皆成其身體各申來 耳 自 束者 氏 以爲飾謂 正 成體自申束 申求 謂漢書 桓 帶以東 堅 中東 重 東也 也 矣文公解申束為 也 故謂 律 衣者大帶 買云 內 歴志 从日 厲游 則 中東 糾 注 云 自持 申堅 云 驷 所以 者 خ 案 使 重累 也 於 文 自 公 所 紳 則 帯 也 申 申

案注云紳帶之垂者也言其屈而重也非 相重累之謂 一誼與文公相反以經傳及諸儒舊說考之 黨圖考申之云所以緊韍舞與雜 似不可易至申重也之訓本玉藻正義釋注 **衰貌若枲麻之單疏倒** 更見斬義也 又見絰去麻之狀貌 経猶 也去麻之狀貌謂言牡不言泉也記曰齊 賤 校日斬當為斯 校日賤下毛有者字院云通 校日経字逗言又其見

禮記疏 大夫為其父母兄弟之未爲大夫者之 裨 緇 補 總號爲衰 大夫以下 一衣總號爲衰 一子朱宴終稗以玄黃 布冠之無笄者 云天子朱裏終碑以朱綠諸侯不朱 條 /禮經校釋卷士 大夫。稗垂以玄黄 **案單疏亦無** 校日 校 日此上 下當為上 校日之字祈 有脫擬補云此衰則以 校曰以上有脱文 تا 喪服如

異者 服 斬 爲 雖 直 得 故 絰 宋禮 加 禮 帶 而備 杖菅 無各 升 也 母 服本者 聞 服 日 屨 惟 也 也 服 而 字有 卿 春 獨服 秋 案字 服 食 服 单 升不 粥 為 耳 大夫 傳曰 無校 居 毋 緝 倚 與 者勘 夫 齊晏 此 斬 也 提記 敢 者其縷 斬 平 寢 仲 尊 占 衰 桓 據惠 以 枕 刪棟 草 謙 卒 校 在 如 其老 齊 服 也 逸 也 顁 服

為其母與兄弟 服 德成適 同 無 服君之斬衰為其父以 |雖庶 夫則為其父母服大夫服其位與未為 適子得服其服亦尊其適象賢 大夫 大夫之適子服大夫之服注仕至大夫 子則為 亦以她人為高行也大功以下大 禮經校釋卷主 之置 得 服 則其父母弗能主 一乃能備儀盡飾 侚 (臣從君) 德 也使齒於 而 服之 爲

禮 服 正可以懲 而 等篇注 高 戒末世之 子曾子孟子之 傳服 爲 行 制之異大義有 正禮 末 也置猶 治解 館· 世貴者 絕不 也 尊者 也 典 IJ 别 人貴富 立 此 言 尚輕暑之失二也子 伸卑者 也 本 此亦絕 加於父兄者 隟 不甚合鄭君 因 盡 委曲 屈屈則稍畧伸 合 亦 八情之 與 而 配 注義 三也 喪 人之意焉 服 厚其親 然與 則 則 爵

父 案記意 正義云 服 服 土 一為其父 爲大夫 此 子至庶 自天子達 兄弟之 經明大夫士為其父母昆弟之 夫 **胞經校釋卷**生 意釋之 母兄弟之為士者自服為其父母兄弟之為大 其義難定故特著之 之謂也 不 害志 間 母尊 斬 · 衰齊衰章 章 胍 单 工服性· 同 云哭泣 自 服 服 也

母 事 不杖 由是言之子喪父母之 昆弟 一年之 同 期 孝 之 章昆弟大功章 未 已在 士服 服 用其尊 爲 爲 大者 言意專在父母也士為 服當 為 無大夫士之 (大降) 所謂 昆弟為 賤 士者 服 別 也 代 也 服 與

禮 Z 兄宗族事生 說 盏 大者 為大 、雖尊一 云爲人 自有深意義詳法 可以己 父母兄弟或作士或無官今大 以成尊踰 孔子沒後師說各殊苟有所受 之喪 所得服踰父母兄弟 子者 者 以其服服父母兄弟嫌若踰之也 旣 禮經校釋卷三 於父 服 同 不敢以己所得 有別亦恐未合於經記 加士 內則記云不敢以貴富 賜不及 服則似與大夫 注 車馬注謂士之子 大夫至服 加父兄 踰之 不敢忽諸 同 爲 所 釋 昆 氏

也云 知 故 也 己卑又 知 /庶子為士者若大 孔氏 服 服踰 即 此士為 是自 弟 下文 云 嫌畏 尊 父 此士 是 母兄弟 亦 一一世之 踰 服尊者之 也若其適子為 如 越父 踰之也云士 解 經 腿 為大夫者但 中下文 、母兄弟 夫適子雖未爲士 也云今大 服者上 卑 (士為之) 今不 謂 士則 又 服士 夫 敢 服 服是庶 庶 服父母 禮逸 尊旣 夫 猶 知 服 服 此 與 服 可

當時傳聞異辭已所不免今去記時又遠簡策久湮 **蓋鄭以記義雖與經未合而師說相** 故其異者未得備 |意甚善苟不詳爲注明恐不知者反譏爲末世 襄 禮而大夫以上喪體逸記出七十子後學者之 質不如記所云故著微辭以示其意言今禮有士 而欲短喪者又附會其文以 孔氏云是晏嬰之父晏弱諡 十七年左氏傳文引之以證大夫士服之異也 以明之此不得已之苦心也云齊晏桓子卒 / 医型交晕 苯三 **陶是非不能臆定也云春秋傅** 飾非而記人誣矣故 日桓子也云晏嬰麛 傳實不可廢

杖絞帶左傳正義曰此帶不言絞亦當為絞帶 晏嬰服士服 氏云是喪禮之常云枕草者孔氏云非喪禮之 屨者 帶 杖弼案絰兼首絰要絰帶指絞帶喪服經 杖者 卿為 孔氏 日非大夫之禮 孔氏云桓子之子晏嬰身服蟲衰而斬云 孔氏云以苴麻爲首絰要帶以苴色之 大夫者 云以菅草為屢云食粥居倚廬寢苫 故其老言所服云非大夫之喪禮 用水沖甲月に 服若身為大 孔氏云此晏嬰對家老 也 者 孔氏云老謂晏嬰家臣 惟得服 之 日 苴 也 地 其 絰

釋 則 非 也 也 也晏子之父大夫赐非 下記 云惟卿之 子降 苦大夫之丧 夫 之 禮 孔氏云言平仲之言非禮也謙退之 服 云大夫之適子服 /禮經校釋卷士 非大 服 等當是'工不得用大夫禮 喪其子爲大夫之 之 疑 案鄭云非 耳 子祇得 也 夫故為 孔 孔義或失注意 大夫之 卿 卿不 是見 云若 服 服 是 服 春 卿則 服云言 服之 秋 卿 非 云此 經 矣 則晏 降 意繹之 辭 此 平 降 仲之 弻 等 非 父 正

遠僭侈者之害云麤衰斬者其縷在齊斬之 子春秋 卿之子從大夫則己非大夫當爲父服士 是駁人之非遜辭以避咎義也夫亦與檀弓曾子言 有若言晏子遺車 不合亦其類也蓋齊俗僭侈晏子每自貶以風之晏 字推出大夫士服之異故先繹其義而釋之孔 鄭言此者申謙之意言己是大夫之子非卿之子 奢示以儉之意相類言不明說自貶退之意所以 一升半而三升不緝 雜篇孔子曰晏子可謂能遠害矣不以己 乘與大夫五个遺車五乘之禮 也者鄭欲就傳文麤衰 一服也檀弓 別謂 斬

深之極并沒麤名而言斬見斬布爲之全無 閒故云縷如三 **騷哀斬者其縷在齊斬之閒齊卽麤也言其布縷在 聊衰而兼言麤也** 齊斬之閒斬衰三升麤衰四升其布在三升四升, 者是下嚮廳上 **殿衰不緝是斬而成布三升為父之服也云斬衰** 升為 云縷如三升半而三 正微細焉則屬 初章斬衰次章疏衰疏 魔經校釋卷三 升半言麛如三升半而計緀惟三升 **将斬斬兼有羅有羅本作上** | 升不緝也但縷如三升半 於麤也者孔氏云解晏子 |弼案斬衰布最麤然以 1 1 1 1 1 1 ¦ 1 Ξ 訂如此故 幣兼 今言麤

其老之問晏子之荅皆為非禮弼朱 細 亦不得言疏衰較斬畧 解 此記為 斬 無等差 馬 不能盡 與服君則服注本鄭注鄭於傳 傳 則屬於麤謂 也 而惟 義 此 大夫士服 一喪而疑晏子為非是所問非 鄭釋 正禮 則 卿爲大夫之 正義云服虔注左傳與端衰 明甚與猶以也以端衰喪車自 傳文欲委曲 斬 衰微細 細故 得異其老習見當 始 則遜 推 始見人功之 出記意故 見 人功之麤 解之 鄭君注左 為 魔故 世大 如是 喪車 也 此 傳 無 則 解

喪之正 處亂世危行言孫之道也此服誼實鄭誼也孔氏謂 子書所載 马 通用也 記 散文故兼言麤以見布體枕草與枕 與鄭違蓋未知服即本鄭鄭傳注正言禮記注 **魔衰斬三升半及枕草而賈疏引之以為傳所** 人之意故不同也鄭注喪服傳衰三升枕 禮以此義推之 服經對文故但言斯沒麤名恐其混於疏 及其適子爲士者非正士之服亦失鄭意 此時沒痛迫切似未必計及寒暑」左傳釋文引王儉云夏杭出冬杭 孔子之言美晏子能守正禮而不直言 //禮經校釋卷古 川麤衰斬即斬衰也斬衰 当 哲 [異者或] 矣 艸 塊不 然 得 禮

볥 士與大夫爲父服異者有麤衰斬枕草矣者 毋及兄弟故此約毋與兄弟之 簑斬 也孔 學 此二事為大夫士為父服之異禮見其所異 與 氏云鄭旣約 乎者此又因爲父服麤衰斬三 也云其為母五升縷而四升為兄弟六升 字枕草旣夕士禮云枕塊者記者廣說異辭 孔氏謂據此則大夫以上 通釋注者當彼此合觀以得其指 (正斬衰) 不同叉傳有枕草與體 士之父服縷繩降 服也 一斬衰枕塊士則 喪服爲毋 升半而推 枕出 也 等經文 上旣明 云 然 不 疏 則 同

l

之纀成布 齊衰為其母與兄弟者此文蓋有譌奪當 疏之文當 能備儀 備儀號 此 服為兄弟 **小定之詞若** 云為母 綠 則以 服無 飾 云丧 者 云 臣 五 五. 必有 謂姑 德 高 服 服 升皆謂縷 降殺是盡飾粥案備儀盡 孔氏云大夫以上 升此云為兄弟六升樓謂麤細 / 建經校釋卷古 君 之斬衰 爲 服所以為 謂 無降 此解云 細成 細似五升之縷成布 殺 爲其父 爾 至痛 是備儀 布 則兼天子諸侯德 升 云惟大夫以 以臣 數少 飾 也 盡 釋 媒 文儀 從 飾 飾言飾 片工 **- 仏弼案乎** 是 君 上 如六升 而 四 升 服 孔 喪

謂父在爲母五 縷成布四升為士父卒為母不知為母杖期乃降 也 而服之齊衰為其兄弟文義乃明蓋齊衰三年 毋三年父在為毋杖期正 四升齊衰期降服四升正服五 一升無 升則是服兄弟之齊衰也若從君而服之齊衰 升為君之黨義服六升士為母降) 斬衰為其父以服兄弟之齊衰為其毋以臣 五升安得以服母孔氏未能辨正譌交乃 | 升士降一等六升縷又 升上注並 無父卒之文此注亦 服降服皆四升兄弟 升義服六升父卒 解上 等五 注五 縷 從

]

在 其母是三年之正期之降皆降而疑於期之正服 之分而 服 義 臣從 限 之 至於短喪豈尚有人心哉此記 謂公士大夫之君也以服兄弟之齊衰之縷 於 服矣是皆位卑而屈者也夫卑者屈而不能 君服之齊衰之縷服兄弟是亦正服降 四升之 分而無 服其父是正服降 忍心尚 等義 / 層經校釋卷去 說干古定論孔義非也喪 服較正服輕 輕畧者其罪為五刑莫大明矣又其 如何也 則位在大夫以上予以 而疑於義服矣此 等今以臣服君之 雖 非正 服 禮實有 君 戴 得 而 服 疑

禮教者也云亦以勉人為高行也者上旣明士以 服之降固以別尊卑之制而所以別之之意亦以勉 爲父母兄弟縷降 父毋兄弟者今屈之使不得備儀盡飾是欲因其不 人為 忍之心而進之以有德之行也勉人之人指服之之 降之之義亦者亦上不敢服尊者之服之文言 不得不可以為悅蓋人之心未有不欲盡其情 高 人未 行作大夫非汝抑士以下也論語子張篇曾 有自致者也必也親喪乎孟子公孫丑篇 、其義專申士 等之服此句緊承上 為句與上 一說下明 句無涉 所

嫌若 因 兄弟 事親之 為大 德 之 瑜之 伸其情彼 則前 功以 爲 大夫必高行也夫分 夫 作大夫 心 仍服 典大夫之 所服者本得用大夫制今己為士以不能 是所服者 1111 禮經校釋卷三 世旅 嫌若 事 而服遂降實人心之 服 君立身皆 之 踰之 異不云 而 服 止得 家莫之 不敢 同者 元 能· 用士 大功以 所 語盡之 加 於 不得 孔氏云以經惟云 心 制 自已矣古者爵 而不爲者其謂 矣 尚安岩父母兄 所大不安 尚欲自勉為 下有殊是大功 比 雖爲大夫 而 削

大國 大國 爲 屈使之 下大夫與士 大喪體逸二語雖爲此節之注實 鄭 高行勸 子云哭泣之哀齊斬之情饘粥之食自天子達 云案聖證論王肅云喪禮自天子以下無等 於此記蓋 卿當天子之士也平仲之言惟 勉 卿與天子之上 卿當天子之大大非謙辭 得爲者使盡喪之 勵大功以 同所以然者以重 取其子不踰 下輕 一士俱三命故曰 服情殺故上 義 父 下不借 服情深故使 以非正禮 統 卿為大 一下俱申 下三節 也晉 故著 之時 勉 位 有 也

端衰喪車皆無等又家語云孔子曰平仲可謂能 於害矣不以已之 以避害也 爱枕草於當時為重是以平仲云惟 貌馬昭 倘 **釬粥之食自天子達於庶人三代共之** 大與士異者大夫以 夫者之 荅 限禮 王 又孟子云諸侯之禮三年之喪齊疏 一體經校釋卷三 肅 喪 則是背經說 是駁人之非遜 服如士 制遂壞羣卿專政晏子惡之 日雜記云大夫 一服是· 上在喪斂時升経 也 瀬典言 為其父母兄弟 大與士喪服 辭以避 卿為 叉此記 答 他王 冠素 故 遜 同 肅 服

車無等 崩與鄭其義畧同如融之說是周公制禮之時則 **邛輕重不達於禮鄭言謙者不異於遠害融意以王** 卿與大夫有異也又曾子云齊斬之情據其情 載之 惟素冠此亦得施於父母此經云為昆弟豈亦弁 與大夫異者皆是亂世尚輕涼非王者之達禮 等無妨服有殊異耳若王粛之意大夫以上弁経 同當喪制無等至後世以來士與大夫有異故 者端正也正為衰之制度上下無等其服 鄭因而解之禮是鄭學今申鄭義云端衰喪 **異乎此是肅之不通也杜元凱注左**

之禮 當為士 肅 案斬衰不稱 衰無等齊 其稱 椰 是也又 言齊斬之情 羅衰 士旣降於 不達 齊 鄭 が斬之 君 斬 疏內原包有斬衰孟子言 也 此注言大夫士 禮經校釋卷士 疏齊衰以下乃 引孟子齊疏之 孟子言未學諸侯之 大夫 耳彌 情自天子達之文本皆不背 典 、字不甚 則斬亦用疏此 奥 一服之 服焦氏循孟子正 疏此 卿 別 典大 禮 天子諸侯 所異甚 晏嬰用士 之服適 、疏之 則所言 夫 爲 何 微 世

111

鄭 諸侯之卿當 齊疏之 **云惟君爲大夫矣而下又云平仲之言惟卿爲大** 升更不得謂非斬四升是齊五升六升亦是齊 注立 齊也三 斬尤飍於齊據左傳鄭義飍衰斬即斬衰則斬 天子達於庶人者謂天子至庶人爲父皆斬爲 而四升六升縷而五升更不得謂非齊孟子 名上下同之孟子言齊疏即齊斬也齊疏之 服 證然焦說亦未是也斬齊皆以極麗 一升是斬三升半亦是斬三升半縷而成 不言齊疏之縷鄭與孟子何嘗違乎肅 天子之士引晉士 起為證是則平仲 之布 服 布

大指 不 耶 侯國之 則 卿當 大禮 行士體者之害何遠之有惟夫當天子之士宜行士禮則 豴 尚能 似 服誼 專指 卿 則謙而遠害之道 豐經校釋卷士 四然其尊者二十 | 平仲| 子之 卿者然豈當時侯國耶抑兼指侯國大夫 尵 則曼 謂諸侯 非大夫之 子為 字殊 大夫 之 卿當 也春秋已下至 混 鄭云己是 耶 專指 夫尚 觀 足以 羣 非 卿 爲 當

國 也 同 今 Z 卿 肅 家語 大 故為 言禮 强此就彼亦甚誣矣 謂大夫於喪 禮 則當時大 多 同 與侯 於 鄭注然不知其說之不合於 此遁辭耳禮之 又不善 天子之士直 增損其字句 國卿大夫異冠 避告孔子何為美之 尚 飲時弁 輕 籣 孔 大例 而 以觸其忌矣咎能免乎 以泯其 絰士素委貌蓋 子語見晏子書 平仲 昏 朝聘燕享之 編書 喪祭之 謂當行麤哀 作傷 蓋肅 一欲圓 也 屬 周 此 ヹ 肅 則 亦 迹 斬 取

Ξ

冠 服禮 雞斯將齊衰者素冠問喪記親始死雞 服有未成 始改也爲毋筓繼 親 小斂之 **| 笄繼如故父卒為母始死去冠戸襲後因其笄** 日 則喪服是 素冠沈 乃去笄纜括髮也通典引譙周云為父始 父母也雜斯當為筓繩聲之誤也親始死 服 服之 經曰喪 後不 氏形儀禮 服有喪服士 改如括髮之 日成服之 服斬衰裝直經杖絞帶冠繩纓膏 戸襲之後 小疏云斬衰笄繼自始 喪禮注始死將斬衰者 服考禮經記有始死之 自小飲後及於成 而即加索 些 斯徒跣扱 冠 如 服 死

蓋為母多與餘齊衰異而與斬衰同下將齊衰句 卽 昆弟以下之齊衰言之記注謂父母始死皆去 見之弼案禮注言將斬衰者雞斯實包為母在 則去襲 于卽堂下位而卽代以免也 日謂小斂日小斂後為父去笄繩而括髮 去笄纜 並重父母之喪皆然但家無二尊故又以 父在亦同以為 後所加之冠兼去笄縄 爲差等聖 則去冠 人之尤重父喪于始死之 一母括 待言矣譙 髮無父在父卒之 始 死首服之節 括髮也一 氏雖云父卒 別 首 時 内 服 纙

時猶 將初喪服侇堂後經云主人拜賓大夫特拜士族 **警髮袒眾主人免于房注謂雞斯素冠者至小** 他若 即位踊 衣矣此始死之 亦自小斂後 與為父不與至拜賓竟後 以麻免而 為昆弟 喪於此時則不復括髮 製經于序東喪服小 此時猶括髮而踊襲經帶以至大 體經校釋卷三 而括髮至戸出堂子拜賓事襲字 以布注為母又哭而 服也士喪禮小斂馮尸後經云 死 則鄭云將齊衰者素冠當 刁 記斬衰括髮以麻 子往即堂下位時 免正義 重 斂 為 則

位 此 **文奉尸侇于堂芘主人降自西階東即位主** 位踊襲経于序東復位此是又哭之節若爲父於 飲 主 帶 時 哭而免喪大記云主人卽位襲経帶踊母之喪 斂拜賓竟後卽堂下位哭 爲 而免注 ·猶括髮若為母於此時以免代括髮故云為 以 母重初亦 人髻髮組此是初括髮哭 至成服故云免而以布 服而後去括髮免用喪冠 記 異者禮 插 斬衰 旣 小飲則免姻案成服 括髮齊衰免以 、踊時也故士喪禮云卒 也 即位襲經時 踊之時也又云 又疏注云又哭 至成服 而冠 拜 卽 毋 男 是

委貌深衣已成服者固自喪服矣弼案此未成服 拜賓斂事訖將行奠事時也與檀弓旣小斂袒括髮 乙既字文同義異奔喪記云至於家入門左升自 殯東西面 踊襲經干序東注括髮袒者去飾也未成服者 成服之 服異又云於又哭括髮袒成踊於三哭猶 在路時是也與他注以小斂後成服前為未 日成服案云三日成服則括髮袒象小 括髮免為主也 坐 服明矣又云奔母之喪西面哭盡哀 //禮經校釋卷上 哭盡哀括髮袒降堂東即位西鄉 既猶終也終 ŧ Į Ē 侇 西

括髮又哭而用免著免以哭非謂又哭後始免也奔 免代括髮而哭踊襲經注云叉哭 斂後之著免叉哭鄭所謂叉哭而免也於兄 不括髮注爲母於又哭而免輕於父也粥案 文則爲父卒小歛括髮袒哭 云齊衰免當 踊襲経帯以至成服為 東即位 括髮也襲免絰于序東於又哭不括髮 袒降堂東即位西 四 哭成踊 鄉哭成踊此猶 踊拜賓後即位 母始與父同卽位 而免謂 初哭 小斂後 用

馬案 加 如爵 注 冠 而言是也袒時無冠惟有括髮免襲則於括髮 小斂沈氏形謂非 也注士素委貌大夫以 弁而素大夫之喪子亦弁経案 斂子 小斂後即 或加弁 兄弟當 **經即位于序端注子升經者未** 而义於冠 位踊襲時已 同知大夫 此 記 弁上 襲經時于 飲時蓋 上素質弁 加經 一升經矣 Ì 小此特據 指侇堂後 馬喪大記 蓋 朝 而 加 小紋 此 成 服

皆為父母之喪言之於兄弟無文則爲兄弟雖大 成之以敬也眾子稱眾主人亦喪主也若兄弟輕 **飲舉將大劍未成喪服時仍各依平日事生行禮** 非喪主倘亦以冠弁爲士大夫之等則於義無取 (夫弁經反有降從弔服之嫌故制禮者併爲 同素委貌所以然者子為父母重且喪主故於 者大記子升經小記小斂環經注士素委貌云 爲差等以涖事蓋痛死之中寓愼於之意哀而 加素冠冠上加環経而已其大夫為兄弟 飲時升經將事與否經傳無文未敢明說

服 一喪禮云 弟齊衰冠布纓大夫爲昆弟爲士者大功冠布 者時異服異不容 未成服之服 **吊服是也且大** 帶金革之事無辟也注 有用弁経者弁 服當之不亦謬乎喪 大記大夫士旣葬公政入於家旣卒哭 一差等者 日成 也 大士同 **经用於成服後者惟旣卒哭** 異餘 相混今記云喪服而肅以 此權 服爲父斬衰冠繩纓爲 服經諸章所云是喪服 升與未成服之 喪服而 禮 也 升 不 絰 得謂之 也 毌

此記 肅說之背經交甚矣孔氏云此亦得施於父母 **弁經注輕喪總麻也大夫降焉弔服而** 為昆弟豈亦弁経素冠之異乎者謂肅以未成 此記服問所云是也由是言之正喪服無 此記云大夫有私喪之 體而士素冠大夫弁絰之服又決無稱喪服 一
用
服
介 所云大夫上服之異是弁経委貌然此亦僅 父母喪 喪服其謬顯然姑勿論第就其說通之 升經 斂時耳此 月光十月月三 周官經司服弁師諸文 經又有兄弟之文豈亦 蔼 則於其兄弟之 往是 及喪服 也 此 肅

鄭 其說誣也左傳正義爲杜預所誤失與張 爲正禮馬氏之荅肅 奚從哉第鄭君本意雕以此記 記所言是後世尚輕涼者之事 以釋記不通之至然則論 禾仕官及爲士 平昆 云前經注云士 不異遠害然 弟喪斂時不論 而害適隨之矣 ▼禮經校釋卷三 |皆得服大夫之服弻案 一謂大夫庶 孔氏之申鄭似尚未盡 如鄭說則謙 大夫士 大夫士喪服之異含 大夫至之服 皆素冠而 為有所受實不 則適與記意 M 可以 美 明大 避 同張 張融 各如肅 相 又謂 適

二節言之故此注及下二節注但釋記意不復 一體說見前鄭 也云 庶子爲士者 也 謂大夫之適 注 母 至 仕 四 至至象賢 者大功適昆弟 大功適子不降 注今大夫喪禮逸二 賢 **耬**與庶子異然大夫士異服 適 子雖未爲大夫得服大夫 而德成適 子服大夫之 釋曰此亦就記人之 仍服 仍服三 子得 期皆重適之 服 語意本合 年大夫之 服 所以然者 其服 意 之 解 疑 服

其 適子 勉 人為高行之意相成皇氏云大夫適子若 始得服大 服 服士 見其能法大夫之賢後 適 服注云仕至大夫謂此子若 子服大夫服 大夫之 己意以駁之弼 、服以其賢著德成 以尊大夫 象賢 與鄭意 固以尊大夫之身亦以 賢 得復 德故也云 乳氏 因 為大夫也此 、謂皇氏 一亦尊 為 至 草 與 為

位次 庶 者大 東 旣 兩 服 爲 爲 位斂 與 大夫 庶 本 此 四 子眾 服 故此記以弟之未 者 在 服大 阼 當 庶 亦 階 ,子 夫 者 未 謂 朝服 服大大大 為服 大 主 庶 位 在 子為 喪合為 服 未喪 主 齒 與 門 也大 庶 嫌適 後 位 始 昆 夫 死則 弟 適 在 同則 門位 為為 也 矣 大 喪

宗 西 與 弟故 眾昆弟 其有命夫命婦則坐無類喪大記大夫之喪主 同宗父兄 亦 齊衰 室 似家有二適 非 指 也彼注云謂 踰 三月與族 八子姓姑姊妹子姓天命婦則坐無則 適適 胡氏 瀬云 則不敢與之齒 大功以上 一云父兄 宗適 同明不敢 功以 一人坐于東方主婦 則皆立注命夫命 適 姓 也 也 一父兄姑 降其宗 也喪服· 矣未 Ę 此即 此 媥 記

逼近主人若必分 夫命婦者非兼 則大記所云命 子男女凡 兄及諸 亦與為 人主婦坐 為大夫者齒例之眾主人 斬衰之眾主 屬齊衰大功者皆在其內 姑姊妹 命婦指齊衰大功之 (士妻者) 子姓則死 人眾主 命夫 同立 命婦 命夫命婦者 人 而 親之 同在尸東 適之 婦 喪

禮 姓 三三雖 記大夫 此子姓但指 也 兄弟 孫然死 昆弟 同宗來哭 之庶 記注云 明共非 昆弟之子男女 服其服 故也卑行得 來 何 孫 哭者同宗父 在 男女亦齊衰 知 非 王 正體說見前其位 士喪注 不兼 統佣 維 為 兄 死者之 :子姓姓: 命 命 ~親者當 至宗 子姓 姓 姑 生 何 則 孫 姊 包 則

弼 勉 為士之 人為高行之意相成云使齒於士不 庶子旣以尚德得服其服而立之位次仍 於適 尚德即上 也 宗適故也義與上注尊適之說相發足見弟斯不敢示異於眾昆弟是齒於一眾昆弟中者明其與眾昆弟同宗適 夫宗昆者適弟 注 上二句蓋 其仕 仕至大大賢著 爲士與未仕官 至大 謂 夫由身 此大 而德 有德 成之

下之。 同之 固 然以 懲末世之 禮經校釋卷三 此耳 節明士子爲大 士之至置後 云士之子為 注不 大而 在明子貴不爵 就 兄者 記意解

於卑子 而 也 使 得 其 則 也 之爵若 此 用 父母為 八喪禮 子生 之 使 爵 禮 父 之 之 此子為 乎若 士者為之 同於 適 而 子為 主 降 一之者 庶 不用子之 用 子者 死 子所得 禮 大夫而死當 主而 在 則 主喪 得 M 何也 無 用大夫 禮 用之 死 往非 其 蓋 有 也 禮 貶 旜 用 喪 而用 母弗 適 不殆於尊 禮 禮則是 夫 在 土 之 喪 丧 父母 君 Ź 乖

就卑一 則爲之置後者此權 子則為 子丧 雖不爲主猶爲主也斯禮也 則弗能故也使大夫之 用父禮 死 以使大夫得盡 者 宗子則 / 慢經校釋卷去 此所置 别置 以主 若 同於庶子者然 於兩難之 為之立 父喪則 禮中之權也孔氏云若死 之後謂非 分所置之 分盈禮其意 父母使之 後即· 喪 毋 是非薄待其子 以使父母不 「降用」 大夫適 = 可謂善矣 假 一也父 毋 同

子爲適子若 適 令父母或降就子禮也 族人之子當適子之處皆得用大夫之禮 之子得 子服大夫之服是也解經使其子主之之意 、夫之子得用大夫之禮者孔氏謂前經云大 用大夫之 無適子則以庶子當適處若無庶子則 用其父大夫之 者明雖 禮總結此文弼案子統 無子不得依父母主子喪之常 云而士不得也 喪服多以大 至立 者 也 於父 故云大

禮若因主子喪而用大夫禮則是降從子禮而沒己同个大夫之父母身為士本合用士禮不得用大夫 得用之禮乖尊卑之義非所以安死者之心若 云其父母其子注上云大夫之子而下乃云十 弗爲之主視庶子之喪故曰弗能主也此士 士字是泛言士非直指記中大夫之父母 與大 用士禮以主其喪義亦未可求其兩全之 /禮經校釋卷古 別言是十 大之父母與大夫之 子句皆本喪 Ē:

是定矣云置猶立也者廣雅釋詁云置立也本此池 處言立後此言置後是置猶立也鄭於此記蓋 得二字亦祗明所以弗能主之由非正解弗能 義與經不例明士字非卽指其父母之爲士者 子爲士者奈何曰旣爲大夫子則無論爲大夫爲 義者文例不同或曰注言士不得用大夫禮大夫 及未仕皆用其父大夫之禮蓋大夫之子爲士 用己之士禮父尊可以及子也大夫之父母爲士 不用子之大夫禮子貴不敢爵父也父子之經於 與上得行大夫之禮六字正解使其子主

妄議之者多矣然方言大夬士服異而卽云端衰無 뾪 万云士子為大夫其父母弗能主 天竹圓亦象天又引喪服變除云削之使下 君 則所 盡 不降就子禮子貴不敢爵父之義夫此 則所謂弗能主者決非如後世妄人所嘗毀矣惟 深於 節 合弼 辭害志之惑爲 謂異者決非 禮故能心知其意而 故就鄭義繹之而疏明其義語不厭繁庶 苴 / 腱紅校釋卷士 杖竹也削杖 如張融所云後世尚輕涼者 桐 也 又能排正經以疑 釋 而即云大夫附於 日疏云父者 į 四節 後

如 取 **野**象 圓川 爲 何 本 圓 絰 圓 桐之 圓若 則鄭意婦 地 方之 於地故也徐氏乾學云敖引杜 愚 知 沈氏形金 謂 杖亦不能病 取 言 況 桐之 女子子 其圓則不必削矣變除義 說乎弼案小記言杖 小記言 同謂杖者之 氏榜及胡氏宗賀循雷次宗之 不杖為童子婦 言 在室為 杖大如経経之形旣 同 也 謂其制 心同非謂杖制 釋 父母節 日 同之於父也 此 大 注 孔賈疏義申 婦 如絰不言 元凱說 謂 不可易 鄭君 同也 圓則 婦 何 成 杖 必 杖 證 無 且 削 嫦 圓 取

絕級管屨者者字兼目子臣妻妾女子子之等此 女子子在室為父與喪服小記 服之異於男子者也笄總異於冠纓衰不 裳所異祇此 大者 人婦 分輕重三年之喪無有不杖者不杖乃未 不備禮 婦婦 婦 服 ■/禮經校釋卷二 人不爲主 也下云布總箭笄髽衰三年此別言 人非知者經云斬衰裳直經杖絞帶 人果或不杖經必別著之矣齊衰 也 則其餘絰杖帶屢皆同可知杖是喪 沈氏謂成人婦人 則不杖與本經背矣下經 不皆杖金氏 豆 殊裳 異於

也記之 在室亦童子異者豈自忘其說耶蓋以經之在室 嫁 杖之文故宜爲成人二 而未 又為在室在室之文同而意則異注各探 同鄭經注云言在室者關已許嫁與記注云女 者 嫁者 在室見不杖之意故宜為童子十九以 許嫁及已 絞帶之等明父母至尊抉無逆降也 違 為童子也未 也 爲在室 丽 相 成 許嫁而未嫁者皆爲父服 旣 也關者 許嫁者視十五旣許嫁及二 許嫁及當急許嫁者 十及十五許嫁者皆成 通 也通已 許嫁者 其意 視旣 如本 圭李 斬衰袋 謂 下 嫁

病 諸家以童子為包女子子在內故或云承上文言 ग् 則成 盏 此 為當不杖乎金氏胡氏以注為違失雨岐誤矣 催水 | 童男童女不杖不能病也喪服四制云婦 ·杖不能病也白虎通 見童子謂童男婦 以 問 問所不必問不知此二 如必謂記之在室亦指成人記不幾以經 人或云童男旣以稚弱不能病豈童女又 層 語分為兩語非復 週間 /禮經校釋卷三 下用相承句法此二問變用平 人謂童女互文也簡直言 喪服篇云禮童子 |問文例與上三問不 義轉出一 義観 列 亦 同

杖 獨 同後 順 承爵字說 居 也 外 武思成 傳文反失傳意何者傳云婦 例始云杖者 去其杖乎又諸家以 杖并不踊 人以童子為兼男女而以婦 以其不能病也文較此傳為簡而互見之法 而不虛 不復承爵字則繼以童子婦 人婦 下繼云非主而杖者 其餘踊菲緦服皆有則其能病審矣 不菲不廬不總今成 何舒也繼 人果不能病乎童子之不能病非 |此二問皆承非主 云 無霄而杖者 何輔 人婦 人為成人 何以不杖 病也但承主字 問皆荅云 人惟以不宜 說 何擔主 下然 不能 婦 也 欲 何 則

何妾 滋甚傅 於夫不為主杖其餘不為主者皆不 女爲父恩淺不能 不能病釋不杖 一十成人之女未嫁 亦 杖 成 之 無義 承病字 白非主 固以思 人非主 不 / 虚徑交棒长士 於君 為主 一而杖者 深能病 將成人婦 杖婦 而杖者站在為夫 病女子未嫁天父 下 而女之無恩於父 不復 父 何輔病 死 故也妻 人已成人非主 有男昆弟 承主字矣 人不為主者 為大思深能 也 姑 他且 杖 在婦 既嫁天 杖 則後 即 耶 何以 不 如 能 爲 學 謂 病 傅 解

1111

不爲 之室為父三年苟以不能病而不為父杖則試 是年死姑在不為主為夫杖曰以輔病 忽能病忽不能病厚夫薄父恐無此情子嫁反在 日設不反夫死杖乎不杖乎病乎不病乎此鄭 父杖 通本 期章大夫之適 子子在室為父母必釋為童子而後安而 者大夫之適子父在爲妻不杖士之適子 證氏 說立 日不能病也終喪年二十一 而杖者必特注之曰姑不厭婦與俗 こうオオオイニ 白 蓋 婦 子爲妻立文 為主節本意對喪服 若 云男子不 三而嫁夫即 也三四年 問之 於 所 爲

男子當 同之 男昆弟· 故也婦 不為主者皆不杖之謂下云毋為長子削杖注嫌 為妻 義本孔正義非雷氏所云特著此一 長主 字 杖竹也是明母為子 主喪而杖之義猶童子之當室而杖非 為妻之至尊故也是明妻為夫與夫為妻 不以杖即 不為主而亦杖者站在為夫杖以站不 則子 主 所 記 非 /禮經校釋卷主 非 人杖是明童女本不杖者 F 金氏所云為主而杖之謂 注杖 詳期 云女子子在室為父母其 不可重於子為己之義 厭 條明其 無 服 固曲

婦容妾為君 氏金氏胡 之節祇 之朝旣殯主人主婦室老皆杖又云士之喪二 殯三日之朝主人杖婦人皆杖注婦 與妻為 同 杖言世婦不言御: 林之謂諸家誤讀記遂誤解傳矣至妾爲君 日 畧舉一 君禮大可以見尊卑也又云大夫之喪三 夫同以同是至尊故也喪大記云君之 氏所云有主喪者 八杖五 **文子子在室者案此記言杖之** | 隅君之喪言五日大夫杖不言 日既殯授大夫世婦杖注爲君杖 杖則成人女子為父 引熊氏 云經云子 人皆杖謂 人與授 母

明 老 其君 邓 之 同 同 女 老 也今記皆不言 杖其說密矣又記 及內宗 也注室老家 布帶 言士及眾臣 杖眾臣 、禮經校釋卷三 腰傳 外 同 五. 云 宗 嫁 一眾臣杖 除 是其文 之 布 相 日 E 屬嫁 帶 公 杖 本經 於大夫之喪 他 也 也 卿大夫室老士貴臣 士邑宰也然則士當 繩 國 喪 為 屨 1, 士之喪婦 卽 服 外無所降亦當 云公士大夫之 則 位是眾 猆 四 ŗ 言主 及君之 制 婦 臣亦 嫁 女 授 不 為 其餘 卿 與室 眾 言 御 典室 妾 臣

世婦 士之丧 得 外有 外 喪婦 老皆杖之 外 容妾爲君女子 通 有 不杖者矣記但云室老亦可謂大夫之 不杖者矣其如經傳及四制之文何金 眾婦 謂 後 人皆杖 不杖然則記但云大夫亦可謂 爲 喪則主婦外有不杖君 人然 人者 婦 謂主 察遂生 皆主 此節先言主人 更皆 婦於三 異說沈云 何 而 日之朝皆主 杖 而 杖 上節總云 杖乃言 謂 喪則 之 知 婦 喪 喪

御妻視士士亦爵也鄭 也 杖者爵 傳記所云婦 調調 士也喪 由是言之妾及女子子不為主者皆當杖無疑 有爵當杖之人也妾爲君杖自天子達於庶 而記畧不言可見記意祇爲妾爲君杖舉例非 至該備始云죍 子日 君之喪 也不得 大夫日士士為 服 五 四制杖者何也爵也下遂歷敘有爵 人不杖專指童子婦 //禮經校釋卷三 日世婦杖君之世婦尊 下通於大夫士之妾然 則凡男女 此注云爵謂天子 君杖則御妻視士當 有 爵者之 又 杖在其中 無疑蓋 ミレ 世 同 諸侯 婦 大所謂 杖 此 卿 傳 明 而

矣然 中矣繼 成 纓 子子在室以主喪者不杖 之皆蒙杖文復何 云倚 後 擔 嫦 而 旣 杖者 虞翦 以童男童女之不杖終焉 云輔病則凡 校 為廬 則凡男女為主者之 杖 屏柱 阮云繩徐本作 在 條 爲不爲主 中 楣 不幾於 以 男女不 門 解之乎注疏義不可易 外 釋 漏 東方 則 爲 此 而 乎而於 倚廬 案嚴 杖 杖 北 主 杖及童 亦鄭 童云 則於 如諸家以婦 而杖者皆 經文 本 疏 鄭無注 子在 子當室 作 小 室 妻妾女子 記 飊 皆在 旣 婦 在其 者 闹 居 倚 杖

き

於 柱楣者注云楣謂之梁柱楣 東壁 楣 鄉 地 布盧形 為楣 開 北 楣 服 為 戶翦 面 匹 廬 即立 圖 制 如偏屋其閒容半席此倚廬之 亦以草屏之向 兩 起廬先 說廬形制 頭豎柱施梁乃夾戶傍之屏也釋注 去戶傍 云高宗諒聞三 /禮經校釋卷三 頭至地聶氏三禮 五橡於上 以 兩廂屏之餘草柱楣者前 云設廬次於東廊 木 北開門一 斜倚東墉 所謂 横於牆 年 鄭注云諒古 梁閣疏云改舊 圖云唐大厯 ! 孝 上以草苫蓋之 下去牆 罕 制也翦 廬門簾 下無廊 五 梁 中 臥 於

至是改而 有楣 是 是 滕 楣 也 文公篇 兩 養 類 類 鶏 鍋 事 卽 有柱 施 故 翦 亦 讀 此 短 西向翦 柱 柱 屏者 謂 謂 如鶉鸙之 五 此始鶴者 楣 之 及楣架起其簷令稍高可作戶 月居廬焦氏循 者也朱 垩室 初時 其餘草始者無柱 鍋間 戶北 讀凡卽注未四 相讀指云的字 子語類答諒聞 向用草為屏不翦 謂廬也廬有 承如廬誾 其雖 云皆以謂 然擬喪**廬** 正義云案旣虞之 無楣 即諒 膧也 梁 謂 間所 故云 陰 梁者 楣 云翦 簷著於 也其 而 其餘 也 冥闇 所 問 也 地 後

向 其非 調 木也 悉與注合楊 也 所柱之 弻 既葬居梁閣中故云高宗諒陰此 也 知者 案諸説皆 楣 倚之木以草爲屏故名 無楣則與眾 則横字亦豫 上云 即此 楣明矣焦氏兩木之制與楊氏小異 ₹ 種經校釋卷三 檐 圖尤詳明其云臥於地爲楣 木故豫以楣名之非謂此時即 名 謂倚廬無柱無楣 以一木横於牆 梠 就 家皆同考楣之本義 異日 名 **楠字皆從木説文** 西向言之 下倚 倚廬高宗三年 樂闇 廬 翦 北 屏柱 向此 者因 屋前 此 施柱 相 楣 木 得

故云: 也 次棟之横 用字之 面之有眉 之前 此前 名前梁亦直稱梁次楣 棟謂之桴釋名 屋 後各有 例 梁本名桴說文桴眉棟也爾雅又叚桴爲 則 則正 也近前兼堂前後 梁 聯 一典本 正中 也是也 下施柱者凡禮經所云楣皆指此前 中 兩 經言楣 楣 日棟次棟 日棟次棟日桴次桴日 者 釋宮室云 爾雅釋宮楣謂之梁則叚以 桴亦 之例合 言後亦稱前者 稱楣檐 日庪此傳之相後 楣在 楣眉也近前各 梁前 亦稱 在檐端 相論 楣 「排北 也蓋 豎 澗 兩 亦 兩 淪 爲

壁但 檐 程 以持楹之横木 一但結草屏蔽 服足徵記 氏瑶田誤以屋之上覆者爲楣因謂倚廬有 既柱後始得名無疑故 則并與制字命名之 垂於地者 廇謂之梁蓋言屋之上覆者倚廬者廬倚 楣明未施柱時此一木之 斤陂吃達 禮經校釋卷三 引鄭注而易之云案爾雅相謂之 而西啟戶 之西至於地楣也即梁也非 日梁也楣不納 初不翦旣虞乃翦其 本義合 、馬是之 鄭注諒闇 明北 横於地者 謂柱楣 呈 廬有梁 ൬ 經 例斷 巳屏謂 稱 如 楣

相条 釋宮 **廬**戸向 氏白虎通 臥地之楣而 楣眉 **楣名同而實異** 屋 名屋橋 梠 楣謂之梁而檐亦謂之楣釋宮云檐謂之楠 也哪 也近前若面之有眉 也眾經音義 北以楣去牆 尺柱其臥地之 疏證以楊圖爲是引程 条陳 聯也秦謂之檐楚謂之梠釋名釋官 西向開戶不得如程氏之 氏據爾雅說文駁程是也其云以 此柱楣當指檐端之楣 五尺臥於地卒哭以後則柱 引舊注云亦楣也說文木部 楣 也是楣在前端 兩楣字蓋 說辨之云案爾 說以楣為屋 承用楊氏 謂初喪 與門 時 室 雅

稱 鄭注芐个之 既虞卒哭芐翦不納 本義倘楣 有席 竟以倚 義述篇 亦 其頭而藏 平嘝故推尊禮經之 預就 則 既杜 釋 字 引 廬 為 者 果 蒲苹也 爾 於內也然 ■/●型型交 零 轮 士! 后為苄翦納之者 雅 後 胡氏云此傳 如其說 楣也程 禮 經莊 孔疏蒲苹為 且 期而小群寢有席與此 方 例 引爾雅宗 則 則帯翦不 以補 子諸文皆强古就己 楣 楣字因 云旣庾寢有席 陳說 止 席散 納 席翦 **廇謂之梁及棟** 文便 即為 而申 木何以亦得 頭為之不 席 則 鄭義 耳 開傳 異者 瓜 馬

閒 特言席故先言带翦不納以別 脱誤 第 中人之 指 文以节期不納寢有席 指 平 有席句原在芐翦 旣練不言席故即稱芐 **提圍九** 短 圍弼案手中 · 第十十月六 拇指與中指 寸 義必 指最長疑第二 不納之 日朱文公云只是拇 所受是也 分別齊衰大功者豈 圍得 上而記者脫 於席徐 為席閒 九 然以為 指當 矣程氏 氏乾學 於 為 圍字 指 瑤 然 與

何得 諛 吳氏紱云二十 不知九寸之度定於抗非定於圍而反譏彼注殊 合五勺二撮有奇耳胡氏承珙云案古量甚 日食米二 云參分其圍去 為首團若圍必九寸何 圍則大小難定彼文云舉圍欲細舉 兩日溢為米一升二十四分升之 仍稱圍乎故彼注言圍之大小未聞也程 一升有奇疑於太多然古量 // 禮經校釋卷士 兩日溢者與鎰同或以 一以爲晉圍五分其晉 細與重之有且旣去 置 如鄭 升當今 園去 二 圍欲重 注 釋 則

米一 案吳氏胡氏說甚是又二家謂釋文引王肅說滿 謂之溢之文然則小爾雅肅所私定此其證矣鄭 三年之練冠亦條屬右縫 一斗七升當今五升四合以古之五當今之一 精密肅不足論故删著二家說 正義讀右縫句 曰溢與鄭不甚相遠肅說本小爾雅一 絰 **升二十四分升之一** 中有此二言 七寸五分寸之 校日言 也 不過當今二合稍贏弼 校日 殿本改作者 曰疏讀條屬句禮 煅本删也字 手之盛 則

之 又禮記記文 女子子嫁及 此庶童子非直不 何爲而可爲人後者 云謂據大夫於姑姊妹 不問比類 云上以字單疏本作巳梁上蓋下之誤 其未冠 下句人字同者字衍 ■ 虚巫交晕 於三 校日 校 杖 不疑當為亦 脱杖者亦三字 及當為反 校曰爲當爲如 杖 校曰下脱并不免三字 校日 云當爲注 ļ

絞字 服 案周禮宮正云 飯 云飲水 雜記所云 宫案單疏作宮 固 則七升已上故灰矣 則要絰五分去一 疏食 冠 者 校 校曰記下 日傳作水飲 為 . 诚字譌單疏作素 謂服前冠七升之布耳 校日宮毛作官阮云要義作 帶 脱注字 校日故 、日帶上 讀禮通考改作 殿本

父 傳 一君節 則妾於 案單疏作 從 通大夫自 武天子 取三 古法 鎌為十 君體敵 地 及卿大夫有 //禮經校釋卷三 麥 然皆爵 兩 校曰武字譌單疏作 也 地者皆日 字譌單疏作 升字符 校闫通字譌單疏作 君 当 據 云通解 卿

可見矣 臣 但 注以為貴臣服者為大夫也特性 無臣然特性記私臣門東北面西上則士 敖氏兼士言之於義為合又絕麻章 大無縄 亦 **一辆条疏士無臣之說本總麻章** 雖有 服斬 有臣有臣者皆曰君吳氏紱 服則為貴臣服者必士也 也繼 地不得 者與天子諸侯卿大夫 公與注立異以 故僕隷 等為 此經之 吳 云賈 貴臣 為貴臣 其長 之 自 成間 有 服 有

死葬以 **晚曲禮於大夫言世臣於士言家相** 通於 **夫子去魯是退當以士禮葬今子路用大夫之** 故夫子贄之案據此則大夫有臣士無臣明矣 大夫故子路欲使弟子行其臣之禮又云病閒 臣 又孝經於天子諸侯大夫言爭臣於士言爭 **人矣哉由之行詐也無臣而謂有臣注云大夫退** 士無臣之義實本夫子之事與其言確不可易 世臣之 疾病子路使門人為臣鄭君注云孔子嘗 士禮致仕以大夫禮葬劉氏寶楠正義云 名不可 皆謂士無臣也蓋以士 1 大之 夫名 為

得服 臣者終絕殊決不得服斬當. 褚氏云傳文明以有地者為君故注本以釋經 是也不對大夫以上言則其僕隷亦或稱臣特牲 服斬乎弼案士之臣正所謂暫時涖官而 記是也言各有當不可執一 臣屬 則當世守義與有國者等與暫時從官 斬如阜臣興興臣隷名亦臣也而豈遽爲之 君臣人倫之 |則必| 者不同服斬宜矣士旣無地雖爲其臣安 1 日無臣論語孝經曲禮及本經鄭注 然雖稱 如疏所云 臣而與定 弔 服 而 **加麻** 盏 爲 爲

與庶毋對言當與貴臣對言大夫有君道內官 臣在喪 不然庶毋之 **严至以大夫** 無疑若 期以下之常則妾固當無服但貴妾之服不 嬪視三公九卿諸侯世婦視大夫也 貴臣旣服緦故貴妾亦服緦猶天子之 可謂之無臣故士之臣在他 服則皆不服大夫之 屬 無服大夫降期以下之常也依大夫 為庶母無服而為貴妾總為嫌則 則決無稱臣者貴臣貴妾之 士則臣爲君弔服君爲臣總於義安 服貴臣所以 經散文 服屬 〈或稱 服 當 則

私 貴臣貴妾下 **衷說與吳氏畧同皆誤盛氏云案特牲禮士** 貴臣貴妾為 並 臣但分卑不足以君之故其臣不爲服斬也 固無嫌也張氏爾岐沈氏凌氏皆合士爲庶母 諸侯之正君 何以節 不知聖 而鄭即本 以君 之 節又據以爲士有臣之證胡氏 制體初未敢以庶母與妾較輕 也後人失其比例 則有臣與無臣同是以論 以注禮 經豈相違哉互詳緦厤章 乃以 **兴** 庶母 語 相提 直 国 重

爲父後者然後爲長子三年者胡氏云爲父後指 先祖之正體者此足成傳義也己爲父後爲父之 别父之長庶必其父是長子為父後乃得為其長 長子之父言為父後則亦長子也此傳所言是分 體長了 體又以其將代己為宗廟主也 重字與傳重之重不相涉其字指長子 言爲父後者 **祖適其體上正乎先** 三年也弼案為父後卽正體於上也云重其當 子又爲己之正體則長子下爲父適 一人 医亚皮棒 经土 然後為長子二 祖是當先祖之正 年重其當先祖之 釋日云此言 即

其義 傳文將傳字相承言所以為長子三年者旣以 體於上 長子又乃己所將傳重也所者指實之 正體於上故重其與己一 長子所以當先 而長子將受己之重代己爲宗廟主 主也 **義即傳文所字宗廟主即傳文重字將代字與** 爲瀰廟之主有祭禰之重此重 一者此釋又乃將所傳重也其字亦指長 以起下句之文也云又以其將代己爲宗 則長子自上當乎祖傳文簡古故注申 **旭正體者以** 體以上正乎先祖 ゼ 正體於上己旣正 一將於長子傳 而祭其祖

之人也其長子適適相承是己所受之重將於長 又將傳重兼有二義乃加其服程氏瑤田喪服足 庶子之與於正體者以反復明之雷氏次宗云父 **徴記云正體於上** 子傳之是爲又乃將所傳重也又云傳言正體於 繼禰之宗子主禰廟之祭斯謂之重言其爲受重 正體則非庶子也傳重則是繼祖也故下傳卽言 **也長子得傳重之故以己先正體於上爲父後也** 所將耳然則為長子三年之故以長子將傳重 體也而長嫡獨正故曰正體全增旣爲正體 / 禮經校釋卷主 一從胡言己與尊者為一體而為 奉

安此 乎 故句 時 案程氏述傳義詳矣然未能 其當先祖之正體乃謂注 服三年與不服三年繼祖不繼祖之分而 長子鳥得繼 袓 祖 祭其重 以庶子本非正 尚在 正 引之故爲長子服三年也庶子之 而繼乎觚案長子自當先 觚 正體 句剛數字原本云而將使之當先 |本非庶子所得受 其 | 野龍 案長7 體於 |猶未 **組哉傳重故繼** 上以 傳然 體 主 不能正體於上不主 子自當先祖云而將使之 瀾 將 廟 則亦非庶子所能 欲傳之 平心 祭 **旭不傳重故不** 過體字 何 護 丽 重如之 體 用 相 之 將使之 注 重字偏 長子 見注 已矣 濔 將 繼 繼 使正 傅

體亦謂己是嫡長為父之正體而長子又為己 非相違也而相成也胡氏云注重其當先祖之正 重字處又明以宗廟主言之義至昭晰程氏牽 文重字在下句注文重字在釋正體句至下文 合傳重之旨不知注重字與傳重之重無涉且傳 正體是承先祖之正體於上 義也足正程氏之失矣 子說又謂注以長子當先祖正體吾乃重之不 反以議注誣矣至正體之說則注本以足 ,繼祖與觸此但言祖不言禰容祖禰 體輕校釋卷三 一故重之與傳文非 至

體 後 斬 溯朱 此繼 者然後為長子三年重其當先祖之正 其統也言不繼祖關 則長子是繼祖者己 胡 小記與此傳文雖異意實同此注云 也與此傳同 祖 租為長子繼祖也彼注云尊先祖之 祖與稱亦為長] 與關故 氏 云案大 也與此傳稍異故鄭引其 傳日庶 喪 服 子繼旭 之瀰 小記 則長子不必五世 子不得為長子 日庶子 至長 與稱也蓋 子則繼 體 為祖 則 則 為

以 惟 也 西當尊者何以注四人後者自身若以為公人 改注云尊先祖之 為尊祖 明長 繼 或不 궲 娳 子但得繼 袓 此 一廟官 一、敬宗之 舉 濔 傳及大傳但言祖 旭 上即可明下 四字當 同師惟立 繼旭者無不繼顧 禰者不為之斬益見服斬 則長子 獨為云父 正體 義非 ダ 俊者之ダ リン 選手 氣連讀皆 廟加 以其承己 而小記必連言稱者 得繼 其意也如調此 屬長子說 如此傳及大 〈則又古者 祀 臣 共廟則 但 袓 為則

與 也義容者謂有此義在內 禰 繼 间 一義 共廟 此 並言者宜 不解其意誤皆屬之長子之父胡氏能解 傳繼 如是 覺其說 及注 能瞭 禰統 爲父後之義而於注引小記 語 袓 則 亦為 乃云 共廟者長子之祖禰 於祖者言之 同據長子言文有詳 岐然苟以 則岐者安在乎且小記之文 異廟者 此 鄭欲 加 云 下亦 通 合 賴皆屬長子 爾 小 畧義 記 與 明 參傳者明 一而釋之 繼 It 實 則 祖 傳 玩味 與關 此 貫 爲 旨注斬得

閩 於高祖體重其正故服三 **小得隨父服三年故言不 也馬融注喪服經用之鄭某性小記則以爲** 云體者嫡嫡相承也正 八通漢皆以為父為長子斬者以其為五代 承用 **井統也言不繼** 便得為長子斬自後諸 說也弼案胡說 胡氏云紫鄭注 子為五 祖 繼祖也通典云漢戴聖 年庶子賤其為 則長 小記云尊先祖之 儒皆 用鄭 爲 知説氏 斬

所 實非融弟子語在弼所為鄭君非馬融弟子攷义 為長子三年之文可參其義較然孔氏買氏謂鄭 承賀氏 是馬融弟子故不直言世數而日不必不知鄭君 因 於經義多未融貫徐氏乾學云案喪服傳曰庶 注申之曰言不繼祖禰則長子不必五世明記 謂必祖父己三世皆適至長子四世乃得三 不定世數也記文明言庶子之長子不繼祖 馬氏言五世故就其說破之未嘗依違其辭 云祖禰即世數之限也又有此傳注爲父後者 、循等之誤以不繼祖與禰者爲庶子之身 年

非其義於是聖人所以加隆祖後以尊其父之意 子之大夫而降其大宗之適不得 **() 致蒙** 繼祖 長子一 然後為長子三年喪 爲長子三 晦而不通此乃禮家之誤也所謂庶子不 也此三章禮文及注義甚明世之說者 **祖與稱也大傳曰庶子不得爲長子** 文所未有也又云戴聖聞 三年以己不後父也故雖始封之諸侯別 則非 / 赠經校春卷三 年不繼祖也 例矣說者以其後庶子而不得遂 服小記 鄭注 日庶子不 日 稱先君故也 此言為 通漢馬融 為長子

適 談也火氏廷華云馬融主戴聖聞 重傳文傳重 是繼曾祖之宗也經明云庶子不云庶子之 庾蔚之孔穎達賈公彥輩主四世之適四世 五世之適五世之適是繼高祖之宗也賀循 則固後其父矣彼何所嫌而忍降其子以薄 繼 禮家妄移不繼祖之文加之庶子此共所以 旭 (云庶子非繼禰之宗故不敢 重之重異而爲之 繼祖之祖父所謂五世四世之 極服若夫庶子 通 漢五世 以承己 適

子期服之正也爲長子三年以其承祖之重而 失與馬氏等盛氏世佐云子爲父母三 一焉爾此尊祖敬宗之義通乎上下者也重謂宗 嫡子亦不得遂三年之服是又含子而言孫 五世 傳也庶子不為父後者也云不繼祖者指其子 言也然則爲長子三年五宗皆得行之矣雖 也庶子不得祭即不得為長子三年以其無 必適子適孫乃得為長子三年外此則雖繼 宗亦得為長子三年者以身旣繼 說遂舉賀循虞喜庚蔚之四世之說證之 // 虚巫校 釋卷主 丘克 |年父母爲 禰即得

繼 禰廟之祭是亦有傳重之道故也先儒謂必至 祖之正體與此注重其當先祖之正體意同靜節 又云古者有大宗有小宗大宗一 乃得三年失其義矣胡氏云鄭注小記言尊先 曾 得舍繼禰之宗而專以祖適為說 者言之即通典所謂己身繼 祖繼祖繼禰皆宗也此注兩言為父後明 也則庶子不繼 疑況傳言庶子不言庶孫經但言父為 三年不為三年自當以父之長庶爲別 爾其長子自不得繼 小宗四繼高祖 爾便得為長子 祖傳義 四

與 繼 喪服傳與小記皆云庶子不爲長子三年不繼 子身不繼 也其所繼者於父 誤今爲辨之徐氏云譙周日不繼祖與禰者謂 正孔質疏義是也程氏為庶子不為長子三年 言釋之 此 祖立表說畧同但徐氏吳氏解此傳則當而 爾也兩舉之者明父之重長子以其當為爾 說者蓋經云不繼 用 回世之 彌故其長子爲不繼祖劉智釋 譙周說尚未得其旨程氏自立一 ■/ 趙 枢 校 精 卷 士 一說其不足憑益明矣弼案諸家辨 則稱於子則組也眾說之中 組者謂此長子 Ę 疑日 説 案 其

庶子身不繼鸝二義爲一 庾氏蔚之 **輔者皆為庶子耳譙氏周曰不繼祖與薦者謂忠** 也 子身不繼隬故其長子爲不繼祖合而言之也是 可以正諸說之失矣殤案賀氏以下諸 譙氏開之蓋譙以記合庶子之長子不繼 則記文組與稱二者即 祖與稱此恐訟所由起其弊在誤認不繼 祖自庶子言之爲不繼禰也吳氏云小記言 謂庶子也不繼祖與禰者自長子言之為 謂經傳未有此連貫之比是也且 **句言之於文義究不** 與此注離 隔之失 祖 旭 奴 與

為父後者之長子乃得繼祖故為之服三 長子明其長子將繼祖也此繼祖斷指長子言 也又乃將所傳重者言爲父後者又將傳重 傳注之義無所抵牾矣程氏云此傳須將正體 在以致乖誤二家欲燆諸 正體於上言為父後者與尊者為一 句與庶子二句反正互明之故剔清其義自見云 相 為父後而爲庶子則其長子將不傳重而不 釋其疑也今以繼祖與濔皆屬之長子庶 儒所以不肯從之而又不得鄭意之 備之失 而仍用識義終 體明非庶 一年若 一於其 所 記

此暗破鄭氏注末之說而其解傳文極明弼 傳重而言 解傳文所以明者非程之能明傳義本注爲父後 解之自然通 **股傳義雖** 明其宗也言其非繼祖之宗也又云庶子不祭禰 **祖矣故不爲之服三年也小記云庶子不祭祖者** 指庶子不爲祖禰宗廟主故不爲長子斬與 明其宗也言其非繼彌之宗也故曰不繼祖 也旣 TANK THAT 主庶子非宗子而言言非 貫而言各有當一主庶子之長子 一為道若彼此互纏則鑿矣胡氏謂 用注義又欲破注述以 小記典 端隨 謂 興

文義 者 廟主 旭 之非不知祭與繼 僔 故不 自不 繼 不祭禰 子三年與其前說相背如 不繼 强 生分 加 故不爲長子三年是不爲祖廟主亦不得 糙 祭祖不 與襧及此傳大傳皆言不繼 例 旭 別致成 及大傳庶子不祭是言繼者亦三小 祖連言祖反支離矣推其致誤之由 與禰皆屬之庶子使與不祭祖不 而與此 LIVE THE PARTY MAN 祭禰不祭皆繋庶子言之 傳不 不同記傳言祭者三小記 巨謬案程 繼 **祖文義殊以見** 謂 謂庶子不爲祖禰 是 **那是祭義** 人則不繼 一繼義 鄭 祭禰 不 互 記 在 在 引 禰

其宗 下言之如程氏意必改記文云庶子不繼 袓 法宗者 此庶子 故不繼 不為長子斬也乃與庶子不祭祖不祭禰文 稱廟故舉祖稱之祭言之云庶子不祭祖 而 庶孫言庶子者 也 解此傳者不得援引矣考小 者注云凡正體在乎上者謂下正猶 主 謂 祭者也非宗不得祭也士之家惟得立 下正但繼 祖與禰皆在不爲長子斬三 對宗子言之 顯不繼祖者是祖之庶 與下文庶子繁 記 上文詳 離之宗祭之 祖與稱 者 言宗 謂 年 義 也

耐 旣繼 與 若并非繼彌則其長子但得繼瀾不得繼 明甚故 宗高祖云 E 也 灁 己亦不為之 大者繼宗 者 皆下者 當 故也此庶子繁父言與上庶子異上 此庶子非正也 濔 昶 則其長子當繼 日下正雖非繼祖之宗實 屬庶子庶子之 | 陸經校釋卷二 為正於則 下四繼祖 | 斬故日庶子不為長子斬不繼 正既云不祭雅日常主王父而可 不繼 粗主 者王 雅與彌而己當為之斬矣 為 粗典 祖也此不繼 為雅 下面推通 爾與上不祭祖 為繼漸之宗己 則得自祭其 者 E 昶 庶 與 粗與瀰 異 祖 \mathbf{F}

不為長 庶子之長子長子之祖與瀾 與前 不繼 正祖 及之下云庶子不祭殤與無後者殤與無後者 m 者 耐食總承此 之也祭係乎宗服係乎祭此 也而 祭禰明禰富繼 明其宗也足成庶子不爲長子斬之義 後祖字異庶 袓 與 子斬者以長子 禰者以己 祖者曾祖 兩節言也祖是殤與無後 子兼 示 繼 不繼 親也で下又云庶子不 下正與非正也應子 灁 爲庶子故也 **旭與隬** 也此為不 加隆於 也此礪字 而長 買長 子 為父後 子注 兼推 者 子 與 故連 繼 也 所 袓 從

是則不祭祖不祭禰一 祭殤與無後之 當與此傅 祖與 同 而斷 而與不祭祖不祭殤與無後者之庶子 濔是庶子之父此庶子與不為長子斬之庶 不祭禰合爲一章章明矣程氏欲破此 長 實一人也不祭祖之庶子謂祖庶對宗子立文不祭祖之庶子謂祖庶 子斬之 能與不繼祖與禰合為 大傳不繼祖合爲 **西紅松科卷**古)庶子兼父庶租庶也小記之文 異彼為長子之 庶子謂父庶庶子專繫父立 一節當與大傳庶子不祭 禰即庶 而斷不能與 子此 注

謂庶 謂鑿者實自蹈之又大傳文與此傳字字同而 實之以 記之義因謂記不繼祖與濔但明庶子不爲祖 宗廟主不關長子傳重而拨不祭祖不祭禰二 經校釋卷十一 云大傳承庶子不祭明其宗而言而曰不繼祖者 一痛斥之 詳駁程氏喪服文足徵記中至繼公邪說徐氏 不知禰 强別於此傳卒致與己說之善者矛盾所 祖也 何以得合於祖斯强經就己之甚者 又謂不繼祖包大小宗并包 同邑王大 程